



9. august 2013

UKA 2013/43

Inatsisartut Suleriaasianni § 36 naapertorlugu apeqquteqaat aallaavigalugu oqallisissiaq imaattoq matumuuna saqqummiupparput:

Apeqquteqaat aallaavigalugu oqallisissiatut siunnersuut pineqarluni aatsitassarsiorluni olie-siorlunilu selskabe-nut nunatta karsianut akitsuusiisalersinnaanissamik pisussaaffiliisinnaanissaq, tassuunakkut iluaqutissat ajoqutaasinnasortaallu aatsitassarsiortunut uuliasiortunut assigisaanullu Kalaallit Nunaanni.

(Inatsisartunut ilaasortat Siverth K. Heilmann aamma Gerhardt Petersen, Atassut)

Tungavilersuut:

Inatsisartut suleriaasiat malillugu, apeqquteqaat aallaavigalugu oqallinnermi Inatsisartunut ilaasortaasugut partiillu inatsisartut oqaaseqaateqarnissaannut siunnersuummik saqqummiussisinnaanissamut periarfissaqarpugut.

Inatsisartut ukiaanerani 2011-mi ataatsimiinnerani aningaasanullu inatsisissap naammassiartornerani Siumut partii tunuliaqutaralugu saqqummiuppa, aatsitassarsiornermut akitsuusiisarnissamut tungasoq tamannalu ATASSUT-mit tamakkiisumik tungaviatigut tapersorsimavarput, ilisimaneqartutuulli amerlanerussuteqartut partiiviniit siunnersuut itigartinneqarpoq.

ATASSUT-mit isumaqarpugut, siunissami saneqqunneqarsinnaanngitsoq nunatsinni pisuussutit uumaatsut suulluunniit nunatta aningaasarsiorneranut iluaqutaasumik iluaqutiginiarneqarnissaat paaseqatigiissutigalugit inatsisartuni eqqartortariaqarigut angusaqarfialugillu. Uuma qinigaaffiup siuliata ingerlanerani Naalakkersuisut partiiviniit aningaasanik isertitaqarnerunissaq siunertaralugu akitsuutit eqqussinerit assigiinngitsut arlalissuit atuuttussanngortinneqarnikuupput soorunalumi innuttaasunut eqquisut.

Taamaattumik ATASSUT-miit neriutigilluinnarparput oqallisissiaq peqqissaarulluinnarlugu eqqartoqqinneqartariaqartoq, tassami aatsitassanut ikummatissanullu inatsisitta nutaagaluqisup naleqqussaqqinnissaa saneqqunneqarsinnaanngimmat. Pisuussutit uumaatsut nunami allamiunik annertoqisumik soqutigineqasut, sulinerullu saniatigut aningaasarsiuutigineqarnissaat akitsuusiisinnaaneq 10 % kisiat aallaaviginngikkaluarlugu naaperiarsinnaasariaqarpugut. ATASSUT-miit ilisimavarput namminersoneq pillugu isumaqatigiissut aallaavigalugu, nunatta aningaasarsiorluarneranik aallaaveqartumik kingunerisinnaasaat.

ATASSUT-miit takorloorparput, inatsisartuni oqallinnerat aallaavigalugu, Naalackersuisut suliasinneqassasut, inatsisissap allannguutigisinnaasaanik inaarutaasumik suliaqannginnermi nalerassanik suliakkinneqarnerat.

Angusaqarfiulluartumik oqallinnissamik kissaappassi.